



Wie der Nibelunge hort  
ze Wormze bracht wart.

XIX. Auenture.

**D**o die minnekliche, also verwitewet wart.  
bi ir inne lande, der grave Eckewart.  
beleip mit sinen mannen, sin triwe im daz gebot.  
er diente siner frowen, mit willen vnz an sinen tot.

Se Wormze bi dem munster. ein gezimber man ir sloz.  
von holze harte michel. wit vnt gros.  
da si mit ir gefinde. sit ane freude saz.  
si was zer chirchen gerne. vnt tet vil willechliche das.

Da man begroop ir vriedel. wie selten si das lie.  
mit trurigem moote. si allecite dar gie.  
si bat got den richen. der sinen sele pflegn.  
vil dicke wart beweinet. mit grozen triwen der degn.

Vote vnt ir gefinde. si trosten zaller stont.  
do was ir das herce. so grozliche wnt.  
ez chunde niht vervahen. swaz man ir trostes bot.  
si hete nach ir frivnde. die allergroziesten not.

Die nach liebem manne. ie mere wip gewan.  
man moht ir starche tugende. chiesen wol dar an.  
si chlaget unz an ir ende. die wile wert ir lip.  
sit rach sich harte swinde. ingrozen triwen das wip.

Sus saz si inir leiden. das ist al war.  
nach ir mannes tode. vnz indaz vierde iar.  
das si zir brovder Gunther. dehein wort nie gesprach.  
vnt ovch ir vint Hagenen. inder zite niene gesach.

Hagene sprach zem chunige. mohten wir das tragen an.  
das ir iwer swester. hulde mohtet han.  
so chöm zo disen landen. das Nibelunges golt.  
des wrde vns vil zeteile. wär uns div kuniginne holt.

Das schuln wir versochen. sprach der kunic sa.  
ich wil ez mine brovder. hinze ir werbn lan.  
das si mir das svogen. das si vns gerne sehe.  
ine trowef niht sprach Hagene. das ez immer geschehe.

Do hiez er Ortwinen. hin zehove gan.  
vnt den marchrauin Geren. do daz was getan.  
man braht ovch Gernoten. vnt Giselher daz kint.  
si verfohten; vrwiltliche. an frowen Chriemhilde sint.

Do sprach von Burgonden. der chüne Gernot.  
frowe ir chlaget zelange. den Sivrides tot.  
nw wil der kunich ir rihthen. daz ers niht hat erflagen.  
man hört ir zallen ziten. so rehte grözliche klagn.

Si sprach des zihet niemen in. in swoch dir Hagenen hant.  
wa man in verhowen möhte. do er daz an mir ervant.  
solt ich des getrowen. daz er im trvege has.  
ich hete wol behetet. sprach dir kuniginne daz.

Daz ich niht vermeldet. hete sinen lip.  
so liez ich nw min weinen. ich vil armez wip.  
holt würde ich in nimmer. die ez da habent getan.  
do begunde vlegen. Giselher der vil wällich man.

Si sprach ich mooz in grezen. irn weltf mich niht erlan.  
der habt groze funde. der kunich hat mir getan.  
so vil der hercen swäre. gar ane mine seholt.  
min mont im giht der svone. im wirt daz herce nimmer holt.

Dar nach wirt ez bezer. sprachen ir mage do.  
was ob er ir an verdienet. daz si noch wirdet vro.  
er mac si wol ergezen. sprach Gernot der helt.  
do sprach dir iamerfliche. seht nw tuon ich swaz ir welt.

Si wolden kunich grezen. do si in des veriach.  
mit sinen besten frivnden. ers in ir huse sach.  
done torste Hagene. fur si niht gegan.  
wol wesser sine schulde. er het ir leide getan.

Do si verchiesen wolde. vf in den grozen haz.  
Gunther gezogenliche. gie gegen ir dar naher baz.  
durch des hordes liebe. was der rat getan.  
dar umbe riet die swone. der vil vngetriwe man.

Ez enwart nie swone. mit so vil trähenen me.  
mit valsche gefoget. ir tet ir schade we.  
si verchos vf si alle. wan vf den einen man.  
in het erlagen niemen. het ez niht Hagene getan.

Dar nach vil unlange. do trogen si daz an.  
daz diu kuniginne. den grozen hort gewan.  
von Nibelunge lande. vnt fort in an den Rin.  
ez was ir morgen gabe. er solt ir wol von rehte sin.

Dar nach si beide foren. Giselher unt Gernot.  
zwelf hundert mannen. Chriemhilt do gebot.  
die in da holn solden. da er verborgen lac.  
da sin der degn Albrich. mit sinen besten fründen pflac.

Do die von Rine chomen. in Nibelunge lant.  
do sprach zu sinen magen. Albrich al zehant.  
wir muogen ir des hordes. vor gehabn niht.  
sit sin ze morgengabe. diu edele kuniginne giht.

Doch enwurde ez nimmer. sprach Albrich getan.  
niwan daz wir vbele. da verlorn han.  
mit dem vil edeln rechen. die goten tarnhpot.  
die trooch von allem rehten. der schonen Chriemhilde tvot.

Nu ist ez leider vbele. Siwride chomen.  
daz uns die tarnkappen. het der helt benomen.  
vnt daz im muose dienen. mit vorhten disse lant.  
do gie der chameräre. da er des hordes sluzel vant.

Es stunden vor dem berge. die Chriemhilde man.  
vnt ouch ein teil ir mage. den schätze man troge dan.  
nider zu den unden. an die schiffelin.  
den fort man vff dem sewe. vff zeberge vnz inden Rin.

Nu muogt ir von dem horde. wnder horn sagn.  
swaz zwelf kanzwägene. meiste mochten tragen.  
viere tage lange. von dem berge dan.  
ouch muos ir ieslicher. des tages niunstunden gan.

Ezen was niht anders. wan gesteine vnt golt.  
vnt ob man die werlt alle. het da von gesolt.  
sine wrde nimmer minre. einer marche wert.  
iane hete is Hagene. ane schulde niht gegert.

Der wunsch der lac dar vnder. von golde ein rotelin.  
der daz het erchunnen. der mohte meister sin.  
wol in aller werlde. vber ieslichen man.  
der Albriches mage. chom mit Gernote vil dan.

Do sich der herre Gernot. vnt Giselher daz chint.  
des hordes vnderwunden. do vnderwunden si sich sint.  
des landes unt der burge. vnt maniges rechen balt.  
daz muos in sifer dienen. bediv durch vorht vnt gewalt.

Do si den hort behielten. in Guntheres lant.  
vnt sihs die kuniginne. alles underwant.  
kamern vnt torne. sin wrden vol getragn.  
man gehort daz wnder. von gute mere nie gesagn.

Vnt wär sin tusint stunden. noch also vil gewesin.  
vnt solt der herre Siurit. gefunder sin gewesin.  
bi im wære Chriemhilt. hende bloz bestan.  
getriwer wibes kunne. ein helt nie mere noch gewan.

Do si den hort nu hete, do brahtes indaz lant.  
vil der vrenden rechen, ia gab der frowen hant.  
daz man so grozer milte, mere nie gesach,  
si pflac vil grozer tugende, des man der kuniginne iach.

Den armen vnt den richen, begunde si do geben.  
daz daz reite Hagene, ob si solde leben,  
noch deheine wile, daz si so manigen man,  
ze dienste ir gewinne, daz si des angeft muosen han.

Do sprach der chunic Gunther, ir ist lip unt guot.  
zwiv solde ich daz wenden, swaz si da mit getvot.  
ich erwarbez vil chume, daz si mir wart sieder holt,  
nwne ruchen war si teile, bediv ir silber vnt ir golt.

Hagene sprach zem chunige, ez ensolde ein frumer man,  
deheinem einem wibe, niht des hordes lan,  
si bringet ez mit gabe, noch un; vf den tac,  
daz vil wol geruwen, die chvenen Burgonden mac.

Des antwort im Gunther, ich swor ir einen eit.  
daz ich ir getate, nimmer mere leit,  
vnt wil es forbaz hveten, si ist div swester min,  
do sprach aber Hagene, lat mich der schuldige sin.

Ir smelicher eide, waren vnbehvot,  
do namen si der witewen, daz vil groze guot,  
Hagen sich der fluzel, aller underwant,  
vil sere ez zwende Gernot, daz er daz rehte ervant.

Do sprach der herre Giselher, miner swester hat getan,  
Hagene so vil der leide, ich soldez understan,  
vnt war er mir niht sippe, ez gienge im an den lip,  
iteniwes weinen, tet do Sivrides wip.

Do sprach der herre Gernot. e' daz wir immer sin.  
genwet mit disem golde. wir solden in den Rin.  
alles heizen senchen. daz immer werde man.  
si gie vil klageliche. fuer Giselher ir broder stan.

Si sprach vil lieber bruder. du solt gedennen min.  
des libes unt des gutes. soltu min vogt sin.  
er sprach vil liebiv swester. daz sol sin getan.  
als wir chomen widere. wir han zeriten wan.


Der chunic unt sine mage. ronten do daz lant.  
mit in die besten drunder. die man inder vant.  
niwan aleine Hagene. der beleip da durch den haz.  
den er trvoch der frowen. unt tet vil willechliche daz.

Die herren sworen eide. vnz si möhten leben.  
daz si den schatz niht zeigen. noch niemen solden geben.  
wan mit gemeinem rate. so si des duhte gvot.  
des wfsen si in vliessen. durch ir giteklichen mvot.

E' daz die chunige widere. ze Rine wären chomen.  
die wile hete Hagene. den grozen hort genomen.  
er sancten da zem loche. allen inden Rin.  
er wande in niesen eine. des enchunde sider niht gesin.

Erne mohte des hordes. sit gewinnen niht.  
daz den ungetriwen. vil dicke noch geschiht.  
er wande in niesen eine. die wil er möhte lebni.  
sit moht ers im selben. noch ander nieman gegeben.

Die forsten chomen widere. mit in vil manic man.  
Chriemhilt ir schaden grozen. chlagen do began.  
mit meiden unt mit frowen. in was harte leit.  
do gebarten die degene. sam si im heten widerseit.



Do sprachen si gemeine, er hat vbele getan,  
er entweich der fversten zorne, also lange dan,  
vnz er gewan ir hulde, si liezen in genesn,  
doch enchunde im Chriemhilt, nimmer vinder gewesn.

Mit itenivem leide, beswäret was ir mvot,  
vmbe ir mannes ende, unt do si ir daz gvot,  
also gar genamen, do gestunt ir iamers chlage,  
des libes immer mere, vnz an ir iungeste tage.


Nach Sivrides tode, daz ist al war,  
was si inmanigen leiden, vnz in daz zwelfte iar,  
daz si des rechen todes, mit chlage nie vergaz,  
si was triwen stäte, vnt tet vil willechliche daz.

Eine riche fursten apten, stifte vrov Votē,  
nach Danchrates tode, von ir gvote,  
mit starchen richen vrborn, als ez noch hiute hat,  
daz kloster da ze Korse, des dinc vil hohe an eren stat.

Dar zu gab och Chriemhilt, sit ein michel teil,  
durch Sivrides sele, vnt umb aller sele heil,  
golt unt edel steine, mit williger hant,  
getriwer wip decheine, ist uns selten e' bechant.

Sit daz diu frowe Chriemhilt, ovf Gunther verchos,  
vnt doch von sinen schulden, den grozen hort verlos,  
do wart ir hercenleide, tusint stonde mer,  
do ware gerne dannen, diu frowe edel vnt her.

Do was der frowen Voten, ein sedelhof bereit,  
ze Korse bi ir chloster, mit grozer richeite,  
dar zoch sich diu witewe, von ir chinden sit,  
da noch diu frowe here, begrabu in eime sarche lit.



Do sprach die kuniginne, vil liebiv tochter min,  
sit du hie niht maht beliben, so soltu bi mir sin,  
ze Korse in mine huse, vnt solt du weinen lan,  
des antwort ir Chriemhilt, wem liez ich danne minen man.

Den laz et hie beliben, sprach frow Vode,  
wone welle got von himele, sprach aber die gvote,  
min vil liebiv mvoter, daz sol ich wol bewarn,  
wander mooz; fon hinnen, mit mir wärliche varn.

Do sehvof die iamerf riche, daz er wart ouf erhabu,  
sin edelez gebeine, wart an der stont begrabu,  
ze Korse bi dem munster, vil werdechlichen sit,  
da der helt vil chüne, in eime langen sarche lit.

In den selben ziten, do Chriemhilde solde,  
varn mit ir mvoter, dar si doch wolde,  
do mvoste sie beliben, als ez solde sin,  
daz understonden mäere, vil verre chomen ober Rin.

